

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----„ ----- 2016 թ.

„-----„ ----- 2016 թ.

(արձանագրություն №)

ԿԱՆՈՆԱԴՐՈՒԹՅՈՒՆ

ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ

«ԱԳՐԱՐԱՅԻՆ ՔԱՂԱՔԱԿԱՆՈՒԹՅՈՒՆ ԵՎ ՏՆՏԵՍԱԳԻՏՈՒԹՅՈՒՆ»

ՀԵՏԱԶՈՏԱԿԱՆ ԿԵՆՏՐՈՆԻ

Ընդհանուր դրույթներ

1. «Հայաստանի ազգային ագրարային համալսարան» հիմնադրամի (այսուհետ՝ Համալսարան) Ագրարային քաղաքականության և տնտեսագիտության հետազոտական կենտրոնը (այսուհետ՝ հետազոտական կենտրոն) ստեղծվել է համաձայն ՀՊԱՀ-ի ռեկտոր Ա. Պ. Թարվերդյանի 18.01.2013 թ. թիվ 65 հրամանի, որպես Համալսարանի կառուցվածքային ստորաբաժանում, գիտության դեպարտամենտի կազմում:
2. Ագրարային քաղաքականության և տնտեսագիտության հետազոտական կենտրոնի հիմնադիրը հանդիսանում է Համալսարանը:
3. Հետազոտական կենտրոնը իրավաբանական անձ չէ և Համալսարանի անունից լիազորված է իրականացնելու գործունեություն՝ ղեկավարվելով ՀՀ քաղաքացիական օրենսգրքով «Գիտական և գիտատեխնիկական գործունեության մասին» ՀՀ օրենքով, այդ օրենքի հիման վրա ՀՀ կառավարության և այլ իրավասու մարմինների ընդունած իրավական ակտերով, Համալսարանի գիտական խորհրդի, գիտության դեպարտամենտի կանոնադրություններով (կանոնակարգերով), ռեկտորատի որոշումներով և սույն կանոնադրությամբ:
4. Հետազոտական կենտրոնի կանոնադրությունը հաստատվում է Համալսարանի գիտական խորհրդի որոշմամբ և գործուղության մեջ է դրվում ՀԱԱՀ ռեկտորի կողմից վավերացվելուց հետո:

5. Հետազոտական կենտրոնի անվանումն է

հայերեն լրիվ՝ «Հայաստանի ազգային ագրարային համալսարան» հիմնադրամի
Ագրարային քաղաքականության և տնտեսագիտության հետազոտական կենտրոն.

հայերեն կարճ՝ ՀԱԱՀ ԱՔՏՀԿ

ռուսերեն լրիվ՝ Исследовательский центр аграрной политики и экономики фонда
"Национального аграрного университета Армении".

ռուսերեն կարճ՝ ИЦАПЭ НАУА

անգլերեն լրիվ՝ Research Centre of Agrarian Policy and Economy of Armenian National Agrarian
University

անգլերեն կարճ՝ RCAPE ANAU

6. Գիտական կենտրոնի հասցեն է Հայաստանի Հանրապետություն, ք. Երևան, 375009
Տերյան 74

I Հետազոտական կենտրոնի գործունեության նպատակներն ու խնդիրները

7. Հետազոտական կենտրոնի գործունեության նպատակն է.

Հետազոտել և մշակել ՀՀ ագրոպարենային համակարգի զարգացման
քաղականության և արտադրության տնտեսական արդյունավետության բարձարց-ման,
գյուղի և գյուղատնտեսության ենթակառուցվածքների կատարելագործման ու պետական
կարգավորման միջոցառումները:

8. Հետազոտական կենտրոնի գործունեության հիմնական խնդիրներն են՝

- ուսումնասիրել ագրարային ոլորտի ռեսուրսային ներուժի օգտագործման վիճակը,
արգելակող խոչընդոտները և առաջարկել բարելավման ուղիները:
- ագրարային օրենսդրության ամբողջականացում
- հետազոտել և բացահայտել տարածաշրջանային զարգացման խոչընդոտները և
զարգացման օրինաչափությունները
- հետազոտել ՀՀ-ում պարենային ինքնաբավության վիճակը և զարգացման միտումները

- մշակել ՀՀ ագրարային քաղաքականության միջոցառումների համակարգ և տալ նրանց տնտեսական գնահատականը:
 - հետազոտական կենտրոնում ներգրավված անձանց վերապատրաստում
- Գործունեության հիմնական ուղղություններն են.
- ագրարային ոլորտի պետական կարգավորման կառուցակարգերի կատարելագործումը,
 - գյուղատնտեսությունում պետական աջակցությամբ ապահովագրական համակարգի ներդրումը,
 - ագրոպարենային համակարգի ինտեգրումը և ագրարային ոլորտում համագործակցության ձևերի զարգացումը,
 - ՀՀ ագրարային ոլորտի զարգացման ծրագրային փաստաթղթերի և իրավաօրենսդրության մշակմանը մասնակցություն,
 - կադրային ապահովման քաղաքականությունը և խորհրդատելակատվական համակարգի կատարելագործումը,
 - ինովացիոն զարգացման և ներդրումային միջավայրի բարելաման միջոցառումների մշակում,
 - ՀՀ ագրարային ոլորտում գործարարության զարգացման և պետական աջակցության առաջարկությունների մշակում,
 - արդիական թեմաների վերաբերյալ ոլորտային քննարկումների կազմակերպում և առաջարկությունների ներկայացում,
 - տեղեկատու նյութերի գիտական հոդվածների, տեղեկատվական ու խորհրդատվական թերթիկների հրատարակում, ագրարային ոլորտի առանձին հատվածներում ուսուցումների կազմակերպում,
 - ագրարային ոլորտի զարգացմանն ուղղված պետական և դրամաշնորհային ծրագրերին մասնակցություն,

II Հետազոտական կենտրոնի իրավունքները և պարտականությունները

9. Իր առջև դրված խնդիրներին համապատասխան հետազոտական կենտրոնն իրավասու է.

- Համալսարանի գիտական խորհրդին առաջարկներ ներկայացնել հետազոտական կենտրոնի կառուցվածքի, Համալսարանի կանոնադրությամբ նախատեսված կառուցվածքային ստորաբաժանումների ստեղծման և կառավարման համակարգի փոփոխման մասին, ինչպես նաև քննարկել և Համալսարանի գիտական խորհրդի հաստատմանը ներկայացնել հետազոտական կենտրոնի կանոնադրությունում փոփոխություններ և լրացումներ կատարելու վերաբերյալ առաջարկություններ,

- հետազոտական կենտրոնի աշխատանքներում ներգրավվելու համար երաշխավորությունների տրամադրում,

- գիտական գործունեության ասպարեզում ակնառու նվաճումների համար թեկնածուներ ներկայացնել Համալսարանի գիտխորհրդին՝ Համալսարանի պատվավոր կոչումների, մրցանակների, հուշամեդալների և այլ խրախուսումների համար,

10. ՀՀ կառավարության 2002 թ. ապրիլի 27-ի թիվ 471 որոշման 4-րդ կետի «դ» և «ը» ենթակետերով Համալսարանին տրված լիազորությունների շրջանակներում իրականացնել ձեռնարկատիրական գործունեության հետևյալ տեսակները.

- գիտահետազոտական աշխատանքների իրականացում,

- խորհրդատվական և կատարական ծառայությունների մատուցում,

11. Հետազոտական կենտրոնի գործունեության ընթացքում ստացված եկամուտները օգտագործվում են սույն կանոնադրությամբ նախատեսված նպատակների իրականացման համար:

Հետազոտական կենտրոնը պարտավորվում է կանոնակարգերին համապատասխան, ժամանակին ներկայացնել գույքագրման արդյունքներն՝ ըստ համապատասխան ձևերի, գիտահետազոտական թեմաների կատարման հայտերը, առաջադրանքները, օրացուցային պլանները և հաշվետվությունները:

III Հետազոտական կենտրոնի կառավարումը

12. Հետազոտական կենտրոնի կառավարումն իրականացվում է Հայաստանի Հանրապետության օրենսդրությամբ, Համալսարանի կանոնադրությամբ և սույն կանոնադրությանը համապատասխան:

13. Հետազոտական կենտրոնի անմիջական կառավարման մարմինը կենտրոնի գիտատեխնիկական խորհուրդն է.

14. Հետազոտական կենտրոնի գիտատեխնիկական խորհուրդը կենտրոնի տնօրենի նախագահությամբ գործող գիտատեխնիկական գործունեությունը համակարգող կառավարման մարմին է: Խորհրդի լիազորությունների ժամկետը 5 տարի է: Գիտատեխնիկական խորհրդի նիստերը գումարվում են առնվազն ամիսը մեկ անգամ:

15. Հետազոտական կենտրոնի գիտատեխնիկական խորհուրդը քննարկում է՝

- ագրարային քաղաքականության, տնտեսագիտության, գիտատեխնիկական ծրագրերի կատարման հայտեր, ընթացիկ, տարեկան և ամփոփիչ հաշվետվություններ,
- ագրարային քաղաքականության և տնտեսագիտության հիմնախնդիրների լուծման վերաբերյալ ներկայացվող առաջարկությունները
- դոկտորական և թեկնածուական ատենախոսությունների թեմաների անվանումներ, դրանց կատարման ընթացքի հաշվետվություններ և ավարտված ատենախոսական աշխատանքներ,
- ՀՀ տնտեսական զարգացման ծրագրերի, փաստաթղթերի քննարկման կազմակերպում և կարծիքի ներկայացում,
- Հետազոտական կենտրոնի զարգացմանը նպաստող ծրագրեր և ներկայացնում դրանց Համալսարանի գիտական խորհրդի հաստատմանը,
- միջազգային համագործակցության ծրագրեր,
- առաջարկություններ հետազոտական կենտրոնի կազմը մրցույթային կարգով համալրելու վերաբերյալ

Իրականացնում է սույն կանոնադրությունից բխող գիտահետազոտական գործունեության հետ կապված այլ լիազորություններ:

16. Գիտատեխնիկական խորհրդի անդամների թվաքանակը չի կարող գերազանցել 11-ը, բայց ոչ պակաս 7-ից:

Գիտատեխնիկական խորհրդի կազմի մեջ ի պաշտոնե մտնում է տնօրենը (նախագահ), գիտական աշխատանքների գծով պրոռեկտորը, բաժինների վարիչները: Խորհրդի կազմը համալրվում է բաժինների կողմից առաջադրված հետազոտական կենտրոնի, Համալսարանի, ինչպես նաև ագրարային տնտեսագիտության բնագավառի

հայտնի մասնագետներով: Խորհրդի նախագահի առաջարկությամբ նշանակվում է նախագահի տեղակալ և գիտական քարտուղար:

17. Գիտատեխնիկական խորհրդի նիստը համարվում է իրավագոր նրա անդամների 2/3-ի մասնակցության դեպքում: Խորհրդի որոշումները ընդունվում են խորհրդի նիստի մասնակիցների ձայների պարզ մեծամասնությամբ:

Տնօերնի և խորհրդի միջև տարաձայնություններ առաջանալու դեպքում հարցը տեղափոխվում է Համալսարանի գիտական խորհուրդ: Խորհրդի նախագահի բացակայության դեպքում նախագահի պարտականությունները կատարում է նախագահի տեղակալը:

18. Հետազոտական կենտրոնի տնօրենն ընտրվում է Համալսարանի գիտական խորհրդում փակ գաղտնի քվեարկությամբ:

- տնօրենը կազմակերպում է հետազոտական կենտրոնի գործունեությունը և օրենսդրությամբ սահմանված կարգով կրում պատասխանատվություն, գործում է հետազոտական կենտրոնի անունից, ներկայացնում է դրա շահերը,
- ապահովում է Համալսարանի խորհրդի, գիտական խորհրդի, ռեկտորատի և հետազոտական կենտրոնի գիտատեխնիկական խորհրդի որոշումների կատարումը,
- կազմակերպում է հետազոտական կենտրոնի բաժինների աշխատանքը և ապահովում դրանց ներդաշնակ գործունեությունը,
- հրավիրում է հետազոտական կենտրոնի գիտատեխնիկական խորհրդի նիստեր,
- Համալսարանի գիտական խորհրդի քննարկմանն է ներկայացնում հետազոտական կենտրոնի աշխատանքի տարեկան հաշվետվությունը,
- Հետազոտական կենտրոնի տնօրենը ի պաշտոնե Համալսարանի գիտական խորհրդի անդամ է:

IV Հետազոտական կենտրոնի կառուցվածքը

19. Հետազոտական կենտրոնի կառուցվածքը սահմանվում է հետազոտական կենտրոնի գիտատեխնիկական խորհրդի առաջարկությամբ՝ Համալսարանի հոգաբարձուների խորհրդի որոշման հիման վրա: Կառուցվածքային ստորաբաժանումների կազմը իրավասություններն ու պարտականությունները որոշվում են Համալսարանի կանոնադրությամբ և սույն կանոնադրությամբ:

20. Հետազոտական կենտրոնի գիտահետազոտական աշխատանքների կազմակերպման գլխավոր ստորաբաժանումը բաժինն է, որը միավորում է մասնագիտական ընդհանրություններ ունեցող հետազոտողներին:
21. Բաժինը ստեղծվում է հետազոտական կենտրոնի գիտատեխնիկական խորհրդի առաջարկությամբ և Համալսարանի հոգաբարձուների խորհրդի որոշմամբ: Այն ղեկավարում է բաժնի վարիչը:

V Հետազոտական կենտրոնի գիտական գործընթացի կազմակերպումը

22. Հետազոտական կենտրոնի գիտահետազոտական աշխատանքները կազմակերպվում են ՀՀ օրենսդրության, Համալսարանի կանոնադրության, սույն կանոնադրության և համապատասխան կանոնակարգերի համաձայն:
23. Հետազոտական կենտրոնի գիտական գործունեությունը ֆինանսավորվում է հետևյալ աղբյուրներից՝
- պետական բյուջեից,
 - պայմանագրերից գոյացած միջոցներից,
 - դրամաշնորհներից,
 - համալսարանի արտաբյուջեից,
 - հիմնադրամներից, ներառյալ արտասահմանյան և միջազգային կազմա-կերպությունների հատկացումները, քաղաքացիների ներդրումները և այլն:
24. Գիտահետազոտական աշխատանքներին կարող են մասնակցել հետազոտական կենտրոնի աշխատակիցները, ինչպես նաև պայմանագրային հիմունքներով հրավիրված մասնագետները:

VI Հետազոտական կենտրոնի գործունեության դադարեցումը

25. Հետազոտական կենտրոնի վերակառուցումն ու լուծարումը կատարվում է ՀՀ գործող օրենսդրությամբ և համալսարանի կանոնադրությամբ սահմանված կարգով: